

115 年全國語文競賽臺中市複賽臺灣原住民族語言朗讀文章 【拉阿魯哇語】 高中學生組 編號 2 號

mavacangu siausipa ariatukurana

akuku puaruma sipanguhlɔvaise ariaaisanana, arakicacɔaku  
kihlamangicuaku arataisa? ausi puarumamana ariakasukasua mamaini,  
taratuahlɔmana ahlinguku akuisa mainimana.

ucaniika akuku puaruma sipanguhlɔvaise ariaaisanana  
masasangarɔaku, cuhlamangicuaku tuahlɔ takacicihli mangusipi? kumita  
kana'a ma'urɔcɔ uamia sipanguhlɔva, pi 'ahlinguku takacicihli.

akuku puaruma sipanguhlɔvaise ariaaisanana, makurukurɔaku  
cuhlamangicuaku mahlulɔpungu? ma kana'a aisa vurunganu uka'a  
rumarirignina, ma patasuru ta'iarakuna, alua miakalahlapa rurumanu tu'u.

jakuku puaruma sipanguhlɔvaise ariaaisanana, aunanacu pasamiana  
makulai micalivi, kuavura ihlata maini pasamiana arupapiacikiri pakiaturua.  
ma ɯnɯmɯ caihli mualualu kuakuacahlia usumanu, umarumia pakiaturuana  
patasuuru siacalaiaisa hla pasasukasa, marupanguhlɔvu tikiku, rumia  
ukikirimi siaracahlia. auniniaku asapu hlituruturua pakiaturuana, hla kumita  
takuliacɔ tikiku mɔlɔlɔlɔ, aluhlɔvɔna mɯmɯ siacalaiaisa pakiaturuana.

aunanacu pasamiana makulai micalivi, ihlaises ihlahlamu  
kupataruakuhla laulaɔvu umiiapu, umaru macuisa kari arupapiacikiri, akuku

umariatuluana caihli mavacangu hliarimiaku, kituahlɔ kitarari laihla  
ngahlana tarɔana, lailaiviku umaru siacalaia hla siusuatamahlu,  
marupanguhlɔvu siasasangaru tikiku, auniniakumana asapu hliasasangara  
kana'a, hla kuhliasasangara sitakuamiana! hlipasamia kana'a apulavaɯmana  
siacai ihlamu!

aunana siangusipiisa cucu'una makulai micalivi, tiaraisa kuavura ihlata  
maini pasamia musa ukikirimi pahluailla? atuatuhlungu ihlaku pakiaturuana  
lailaivikuna hla tukucukuna, tiaraisa kuavura ihlata maini pahluailla? kana'a  
tu'una suhlatana hla ahlivina, atuhlungumana kana'ana akuisa taiacu  
miaungu sikilaliali pakiaturuana rumahlaɯ, saparuhlangasa ausi varu'una.  
pasamiana, taluavaɯlana mu'alivatɔ, atuhlungumana ma hlikiɔlɔsaita musa  
paranana, maniki hlimicalivicu kana'a ia, pasalɔsaita pahuaili  
mavacangu hlivaliva.

美好的國小人生

當我跨進國中大門時，我驚愕自己長大，我驚喜自己獨立，我驚慌自己已成熟。時間就是這樣匆匆，不給我們一點向老師告別的時，來不及向同學做一番深切的告別。歲月就是這樣匆匆，為什麼就不給我們一點時間去追憶那場景啊！桌椅們還記得是誰在教師節到來之際把它們裝飾一新的嗎？時間啊，請你停一停，留戀一下我們一起走過的歷程吧！可那畢竟已是過去，我們一起珍藏的美好回憶。